



Bosna i Hercegovina
Federacija Bosne i
Hercegovine Kanton
Sarajevo
Grad Sarajevo
**OPĆINA CENTAR
SARAJEVO**
Općinski načelnik

Bosnia and Herzegovina
Federation of Bosnia and
Herzegovina
Canton
Sarajevo City
of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине Кантон
Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), člana 5. Pravilnika o dodjeli jednokratne novčane pomoći za finansiranje troškova nabavke GPS narukvica za djecu i osobe sa invaliditetom i poteškoćama u razvoju ("Službene novine Kantona Sarajevo broj 41/24), tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24) i Odluke o pokretanju postupka raspisivanja i provođenja javnog poziva, Općinski načelnik objavljuje

JAVNI POZIV

za dodjelu jednokratne novčane pomoći za finansiranje troškova nabavke GPS narukvica za djecu i osobe sa invaliditetom i poteškoćama u razvoju

1. PREDMET JAVNOG POZIVA

Predmet ovog Javnog poziva je dodjela jednokratne novčane putem finansiranja troškova nabavke GPS narukvica za djecu i osobe sa invaliditetom i poteškoćama u razvoju.

2. FINANSIJSKA SREDSTVA

Sredstva za dodjelu jednokratne pomoći raspoređivat će se u skladu sa odredbama Pravilnika o dodjeli jednokratne novčane pomoći za finansiranje troškova nabavke GPS narukvica za djecu i osobe sa invaliditetom i poteškoćama u razvoju ("Službene novine Kantona Sarajevo broj 41/24) sa budžetske pozicije 614239-1A Ostali transferi pojedincima GPS narukvice za djecu i osobe sa invaliditetom i poteškoćama u razvoju.

Planirani iznos sredstava za ove namjene u Budžetu Općine Centar Sarajevo za 2025. godinu iznosi 7.000,00 KM. Raspoloživa sredstva po ovom javnom pozivu utvrdit će se nakon zatvaranja javnih poziva objavljenih u skladu sa Odlukom o privremenom finansiranju

Maksimalan iznos jednokratne novčane pomoći u skladu sa odredbama Pravilnika o dodjeli jednokratne novčane pomoći za finansiranje troškova nabavke GPS narukvica za djecu i osobe sa invaliditetom i poteškoćama u razvoju ("Službene novine Kantona Sarajevo broj 41/24)) iznosi 350,00 KM.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

3. CILJ DODJELE POMOĆI PUTEM JAVNOG POZIVA

Cilj dodjele novčane pomoći je pružanje veće sigurnosti i nezavisnosti djeci i osobama sa invaliditetom i poteškoćama u razvoju, uz mogućnost praćenja njihove lokacije roditeljima/starateljima koji se brinu o njima.

4. UVJETI ZA OSTVARIVANJE PRAVA NA JEDNOKRATNU NOVČANU POMOĆ

Pravo na dodjelu jednokratne novčane pomoći putem finansiranja troškova nabavke GPS narukvica za djecu i osobe sa invaliditetom i poteškoćama u razvoju se ostvaruje pod sljedećim uvjetima:

- Da su roditelji/staratelji i dijete odnosno osoba sa invaliditetom i poteškoćama u razvoju državljani BiH;
- Da podnositelj zahtjeva i dijete odnosno osoba sa invaliditetom i poteškoćama u razvoju žive u zajedničkom domaćinstvu na području općine Centar Sarajevo;
- Da dijete odnosno osoba sa invaliditetom i poteškoćama u razvoju ima preporuku ljekara specijaliste na osnovu koje se može utvrditi potreba za kupovinom GPS narukvice;

5. POTREBNA DOKUMENTACIJA

Podnosioci zahtjeva za dodjelu jednokratne novčane po ovom Javnom pozivu dužni su dostaviti sljedeću dokumentaciju:

- Kućna lista;
- Preporuka ljekara specijaliste na osnovu koje se može utvrditi potreba za kupovinom GPS narukvice;
- Predračun za nabavku GPS narukvice;
- Dokaz o starateljstvu ukoliko je osoba pod starateljstvom;

6. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Zahtjev sa potrebnom dokumentacijom se podnosi Službi za boračko-invalidsku i socijalnu zaštitu -Odsjek za socijalnu zaštitu, putem Protokola Općine Centar Sarajevo, Mis Irbina 1.

Zahtjevi će se rješavati po redoslijedu podnošenja.

Služba je dužna u roku od 30 dana do maksimalno 60 dana od dana podnošenja riješiti zahtjev i o tome obavijestiti podnosioca.

Korisnici koji ostvare pravo po ovom Javnom pozivu, dužni su dodijeljena budžetska sredstva pravdati na način koji će biti utvrđen aktom o dodjeli sredstava.

Dodatne informacije se mogu dobiti na broj telefona: 033/562-447.

Općinski načelnik

Srđan Mandić

